

Morning Dogri (NSD) Bulletin 25-05-2025

आकाशवाणी

- प्रधानमंत्री नरेंद्र मोदी होर अज्ज बड्डुलै 11 बजे “मन की बात” कार्यक्रम राएं अपने विचार देश-विदेश च रौहने आहले श्रोताएं कन्नै सांझे करडन।
- राश्ट्रीय जनतांत्रिक गठबंधन शासित राज्यें दे मुखमंत्री ते उपमुखमंत्री अज्ज नमीं दिल्ली च सुशासन विचार सत्र च हिस्सा लैडन।
- केंद्र सरकार नै 2024-25 बरे लेई कर्मचारी भविष्य निधि पर 8 इशारिया 5-2 प्रतिशत ब्याज दर दी मंजूरी देई दिती ऐ।
- कल संझा अंधी झक्खड़ दे बाद बरी दी बरखा कन्नै दिल्ली एनसीआर सने उत्तर भारत दे कई इलाकें च लोकें अगग बरांती गर्मी कोला राहत मसूस कीती ऐ।
- सरकारै हर बरे पूर्वोत्तर राज्यें चा कुसै इक च खेलो इंडिया नार्थ ईस्ट गेम्स दा सरिस्ता करने दा फैसला लैता ऐ।
- IISF Junior World Cup 2025 च भारत दी शम्भवी श्रवण क्षीर सागर नै 10 मीटर एअर राइफल स्पर्धा च सुन्ने दा ते ओजस्वी ठाकुर नै चांदी दा तगमा जित्तेआ ऐ।

<><><><><><>

प्रधानमंत्री नरेन्द्र मोदी होर अज्ज बड्डुलै 11 आकाशवाणी पर प्रसारित होने आहले अपने महावार रेडियो कार्यक्रम “मन की बात” राए देश विदेश च रोहने आहले लोकें गी संबोधित करा’रदे न। हर म्हीने दे अखीरले ऐतवार प्रसारित होने आहले इस कार्जक्रम दी एहू 122मीं कडी होग। एहू कार्जक्रम 11 बजे आकाशवाणी ते दूरदर्शन दे समूलचे नेटवर्क पर प्रसारित कीता जाग। एहूदे कन्नोकन्नी प्रधानमंत्री हुंदे दफ्तर, सूचना ते प्रसारण मंत्रालय ते आकाशवाणी समाचार ते डी.डी न्यूज दे यू-ट्यूब चैनलें पर बी मन की बात कार्यक्रम उपलब्ध होग। मन की बात दे हिंदी प्रसारण दे तुरत मगरा एहदा डोगरी भाषा च अनुवाद प्रसारित कीता जाग। एहूदे अलावा तुस एहदा डोगरी अनुवाद इक बारी फी रातीं 8 बजे आकाशवाणी जम्मू पर सुनी सकदे हो।

<><><><><><>

NDA-Govt. Issues

राश्ट्रीय जनतांत्रिक गठबंधन एनडीए शासित राज्यें दे मुखमंत्री ते उपमुखमंत्री अज्ज नमीं दिल्ली च सुशासन पर आयोजित विचार सत्र च हिस्सा लैडन। प्रधानमंत्री नरेन्द्र मोदी होर आपूं इस बैठक दी अध्यक्षता करडन जिसलै जे बीजेपी दे राश्ट्रीय अध्यक्ष जगत प्रकाश नड्डा, गृह मंत्री अमित शाह ते रक्षा मंत्री राजनाथ सिंह होर बी इस बैठका च शामिल होडन।

<><><><><><>

Govt. EPF

केंद्र सरकारै माली बरै 2024-25 ताई कर्मचारी भविष्य निधि ई.पी.एफ पर 8.52 प्रतिशत ब्याज दी गी मंजूरी दिती ऐ। एहूदे कन्नै देसै दे 7 करोड़ कर्मचारियें गी लाहू पुज्जोग। कर्मचारी भविष्य निधि संगठन दे केंद्री ट्रस्ट बोर्ड नै इस ब्याज दर दी सिफारश कीती ही।

जंदे बरे बी ई.पी.एफ पर ब्याज दर 8.52 प्रतिशत ही जिल्ले के 2022-23 माली बरे दौरान एह दर 8.51 प्रतिशत ही। कर्मचारी भविष्य निधि संगठन नै महत्वै आहली उपलब्धि हासल करदे होई माली बरे 2024-25 च 6 मार्च तगर रिकार्ड 2 करोड़ 16 लख दावें दा डिजिटल तरीके कन्नै नबेड़ा कीता। जंदे माली बरे च एह गिनतरी 89 लख 85 जहार ही।

<><><><><><>

PM-Niti Aayog

प्रधानमंत्री नरेंद्र मोदी होरें राज्यें गी आखेआ ऐ जे ओह समूलची दुनिया दे मानकें मताबक हर राज्य च घट्टोघट्ट 1 सैलसफे आहली थाहर विकसित करन जेदे च न छड़ा बुनियादी ढांचा सगुआं हर स्थूलत बी उपलब्ध करोआई जाए। कल नमीं दिल्ली च नीति आयोग गवर्निंग काउंसल दी 10मीं बैठक दी प्रधानता करदे होई श्री मोदी होरें इक्क राज्य इक्क वैश्विक मंजल दे बचार पर जोर भरेआ।

उनें आखेआ जे इस पैहल कन्नै न छड़ा सैलसफे गी बढ़ावा थ्होग सगुआं गोआंडी शहरें गी सैलसफे आहली थाहर दे तौरा पर विकसित करने च मदाद थ्होग।

<><><><><><>

Niti-Aayog-CEO

सबबनें राज्यें ते केंद्र शासित प्रदेशें कल नमीं दिल्ली च नीति आयोग दी गवर्निंग परिषद दी बैठक दौरान आपरेशन सिंदूर पर थेआरबंद बलें ताई इकजुटता ते समर्थन व्यक्त कीता। कल नमीं दिल्ली च मीडिया गी जानकारी दिं दे होई नीति आयोग दे मुख्ब कार्जकारी अधिकारी बी.वी.आर सुब्रह्मण्यम होरें आखेआ जे पहलगाम च होए दे आतंकी हमले गी लेइयै लोकें च गुस्सा हा ते हर जने नै रक्षा बलें दी दिलेरी ते उंदी भूमिका ते प्रधानमंत्री नरेंद्र मोदी हुंदी नुमायंदगी दी तरीफ कीती। उनें आखेआ जे प्रधानमंत्री होरें इस गल्ला पर जोर पाया ऐ जे

विकसित भारत दे लक्ष्य गी हासल करने ताई टीम इंडिया दे बल दी लोड़ होग ते एह बल आपरेशन सिंदूर दौरान साफ तौरा पर दिक्खेआ गेआ।

<><><><><><>

APD

पहलगाम आतंकी हमले दे बाद आतंकवाद दे खिलाफ भारत दे आपरेशन सिंदूर पर कुल संसारी सतह पर राजनयिक संपर्क लेई गठित सर्वदलीय शिष्टमंडल बक्ख-बक्ख देशें दे दौरे पर न।

जनता दल यूनाइटेड दे सांसद संजय झा हुंदी अगुवाई च इक शिष्टमंडल टोक्यो थमां दक्खन कोरिया दे स्योट पुज्जी गेआ ऐ।

<><><><><><>

Add All Party Meet

कांग्रेस सांसद शशि थरूर हुंदी नुमायंदगी च अमरीका गेदे सर्वदलीय प्रतिनिधिमंडलै इस गल्ला दा जिक्र कीता जे भारत नै पहलगाम आतंकी हमले परेंत किस चाल्ली पाकिस्तान च आतंकी ठकाने, मुख्यालयें ते लांचपैडें पर सटीक ते सामी कार्रवाई कीती गेई। न्यूयार्क च गल्लबात दौरान श्री थरूर हीरें आखेआ जे भारत पाकिस्तान कन्नै जंग नेई चाहंदा, सगुआं ओहू 21मीं सदी दे विश्व गितै अपनी अर्थ बवस्था गी अगगे लेई जाने ते लोकें दा जीवन स्तर सुधारनें गी पहल देग।

<><><><><><>

Khelo-India

युवा मामले ते खेडू मंत्री मनसुख मांडविया होरें आखेआ ऐ जे सरकार हर बरै पूर्वोत्तर दे राज्यें चा कुसै इक्क राज्य च खेलो इंडिया पूर्वोत्तर खेडूँ दा सरिस्ता करोग। नमीं दिल्ली च .. सम्मेलन 2025 गी संबोधित करदे होई श्री मांडविया होरें आखेआ जे सरका नेकें पहलें रायं इस क्षेत्र च खेडू बवस्था गी निगगर करने आस्तै बचने बज्जदी दी ऐ।

2030 राष्ट्रमंडल खेडूँ ते 2036 च ओलंपिक खेडूँ दे आयोजन गी ध्यानै च रखदे होई खेडू मंत्री होरें आखेआ जे बरै भर अंतरराष्ट्री सतह दियें प्रतियोगिताएं आस्तै भारत इक्क बेहतरीन थाहर ऐ।

<><><><><><>

Delhi-Rain

दिल्ली ते राष्ट्री राजधानी क्षेत्र एनसीआर च जंदी रातीं तेज बाढ कन्नै भरी दी बरखा करियै लोकें गी गर्मी थमां राहत थहोई ऐ। उआं नेकां इलाकें च दरखतें दे पौने ते पानी किट्टा होने करियै गड्डियें दी आओजाई च रूकावट आई। मौसम विभाग नै दिल्ली ताईं पहले गै रेड अलर्ट जारी कीता हा ते बरखा, ऐन गडे सने 100 किलोमीटर फी घंटे दी रफ्तार कन्नै वा झुल्लने दी चेतावनी जारी कीती ही। मौसम विभाग नै राष्ट्रीय राजधानी ते आले-दोआले दे इलाकें च अगले 5-6 दिनें दौरान अद्दे दुबे तौरा पर बदलें दे घनोए रौहने ते हल्की बरखा कन्नै अंधी झक्खड़ दी पेशगाई कीती ऐ।

<><><><><><>

Shooting

जर्मनी दे सूहल च खेडू जा'रदे जूनियर विश्व कप 2025 च भारत दी शम्भवी श्रवन क्षीरसागर नै महिलाएं दे 10 मीटर एयर राइफल मकाबले च सुन्ने दा तगमा जिती लैता ऐ

जिस्सलै जे इस मकाबले च चांदी दा तगमा भारत दी गै नशानेबाज ओजस्वी ठाकुर नै जित्तेआ ऐ।

Hockey

महिला ते पुरुष दौनें वर्गे ताई पहले हॉकी इंडिया मास्टर्स कप दी घोषणा करी दित्ती गेई ऐ। मास्टर्स कप दे पहले टूर्नामेंट दा सरिस्ता 18 जून थमां 27 जून तगर चेन्नई च कीता जाग। एहू टूर्नामेंट भारती हॉकी ताई इक्क नमा ध्याऽ ऐ जेदे च हॉकी दे साबका दिग्गज खडारी हिस्सा लेई सकडन। इस प्रतियोगिता च मर्दे दी उम्र 40 या एहदे कोला बद्द ते महिलाएं दी 35 जां 35 कोला बद्द होना लोड्चदी। हॉकी इंडिया नै दस्सेआ ऐ जे टूर्नामेंट लीग कम नाकआउट प्रारूप च खेड्डी जाग। दौनें वर्गे लेई टीमें दा नां तौले गै घोषित करी दित्ते जाडन। इस प्रतियोगिता च हिस्सा लैने आस्तै खडारियें गी अपने सरबंधत राज्य इकाइयें रायं पंजीकरण करोआना होग।



IPL

आई.पी.एल क्रिकेट च कल रातीं जयपुर दे सवाई मान सिंह स्टेडियम च खेड्ढे गेदे मैच च दिल्ली कैपिटल्स नै पंजाब किंग्स गी 6 विकटें कन्नै हराई दित्ता। पंजाब किंग्स नै पहले बल्लेबाजी करदे होई तय 20एं ओवरें च 8 विकटें पर 206 रन बनाए। 208 रन्जें दे लक्ष्य गी दिल्ली कैपिटल्स नै खीरले ओवर च हासल करी लैता।

अज्ज संझा साड्ढे 3 बजे अहमदाबाद दे नरेंद्र मोदी स्टेडियम च गुजरात टाइटन्स दा मकाबला चेन्नई सुपर किंग्स ते दिल्ली दे अरूण जेटली स्टेडियम च सनराइजर्स हैदराबाद दा मैच कोलकाता नाइट राइडर्स कन्नै साड्ढे 7 बजे थमां खेड्ढेया जाग।



Miss-World

72मीं मिस वर्ल्ड प्रतियोगिता च कल चार टॉप माडल विजेताएं दी घोषणा कीती गई जिंदे च आयरलैंड, नामीबियर, मेजबान भारत ते मार्टीनिक दियां माडल शामिल ना। भारत च पैहली बारी आयोजित मिस वर्ल्ड प्रतियोगिता च दुनिया भरै थमां 108 मुखें दियां मेदवार माडल्स हिस्सा लै करदियां ना। भारत दी नंदिनी गुप्ता 31 मई गी हैदराबाद दे हाईटैक्स एग्जीविशन सेंटर च प्रतियोगिता दे फाइनल मकाबले च हिस्सा लैडन। टॉप माडल खताब जेत्तए गी मिस वर्ल्ड 2025 दे क्वार्टरफाइनल च जाने दा मौका देगा।

